

勉
行
堂
詩
集

勉行堂詩集卷十八

古歛 程晉芳 魚門

照檻集

起丙戌六月盡十二月

六月十三日移寓寒葭潭屋之東偏有竹有石有小亭
出其間正東向朝日夕月光可攬也因取楚辭照檻二字
顏亭之端遂以編集

移居四首

每笑營巢競燕鶯偏難穩便住西城地紓一里攜輕具天展三
朝放快晴積雨兼旬揮汗轉憐辱僕健滯波才見濁流清溝洫
停汚稍爲疏瀦絕饒點石栽花興倘典衣裘料易成

只隔墻腰樹一株耦居恩誼最優殊少宗伯圃山師同寓三載飛觴稍急乘
公暇曳屨方榮念我枯野鶴回頭殘粒在山僧行脚晚雪孤惟

將立雪橫經事閑證東隣萬卷朱

新居距筍河編修家至近

兩罷禮闈三喪女共懲宅法勸更移廁姑竈寧操柄燕兆蛇祥祇費辭且逐蟻行沿磨轉也隨鷁隊受風吹妻孥曾住華堂慣每到新居怪狹卑

糊壁新光耀兩畔頗教拚灑爇香籌書囊細檢防零亂酒具親持待拍浮人向東遷成遠徙屋經重僦鮮長籌苦心豈獨綠珠桂數數移家也白頭

寄祝家南坡兄八十壽

江波瑟瑟繞江村聞道匡居自課孫几上歷頭開九帙牀間酒母釀千樽華嚴富貴恒經涉實勝工夫愛討論真是魯靈光比數科名同輩幾人存

煙獨淵源號大師遠謀碩畫最恢奇國程曾預功能補家運逢

賣力尙支松古不嫌霜隕久桂馨偏稱月來遲秋枰影滌羅窗
午指肘看人算刲碁

朱查曾許阿龍超

竹垞他山正派樅陽與鑄陶皆所親炙曾受業望洋子之門盡傳其

學清異選蒐窮百氏太平歌咏閱三朝閑採月窟天心奧兀坐
寒燈細雨宵下筆輒塈垂久久不徒雙鬢老難凋

鴉青雲幕展羅天祝嘏辭煩早夜傳也附庭荆舒帶萼每憑池
草說因緣出群年齒推胡果驚坐衣冠想葛玄謹守谷神期強
飯啓期三樂故能全

題錢方壺先生歲寒圖小影

是何臘而清所尙無近慕孤梅枝連蟠松竹環溪塢共此歲闌
盟縵然守眞素于時天欲雪慘慘雲結蒼蒼攜熨手爐鶴引穿
林步相賞在高格眼底蔑凡樹每聆學士言心折契名父勤鈔

師向朗熟誦如蠻遇六籍自授兒奚止該四庫卽今拭東網儼
覩傳神處橫斜峭蒨間風骨軒軒舉恍焉動幽興便欲隨游屢
北地多茂松未易植園圃竹來伏雨栽瑣碎體姑具梅花最難
活益益強枝梧黃金臺下客難寄林逋語何如守江鄉廣藝待
遲暮江鄉也自寒寒轉益奇趣愜性偕本色琴酒得知故潛漠
明冬心洵矣美無度

四十九行年

四十九行年豪情頓減前難辭飲墨汁終愛擁琳編却苦圖宵
睡焚香習古禪生涯過半百自問孰堪傳

秋齋

秋齋延衆賞兀坐當登臨樹老排風健亭虛貯月深屢過繁積
翠眼底數歸禽宛爾空山隱堅予向道心

偶成

只道園亭好何知不世情于霄幾株樹夜夜作秋聲

七月廿九日同杉亭前輩沈樓筍河均彌峯山耳山陶然

亭小集分得背字

鄙性耽野情不樂處闌闢孤亭最昭曠月輒來一再況乘秋氣

清壺檻喚儕輩車穿荻花過人立槐陰待師席訝左虛時露仲
師不至

酒盍愧先啐七人中余方年最長寧虞疥癬侵患疥未覺嘯歌廢游目烟

水涯縱嚼膾炙內醒狂良復佳矧乃蒙醉態驚座語出奇淵天

理無礙時與筠河杉亭歲差之往微波生沼曲落日隱山背申辭明後約

游興發重慨絮絮話未休拍臂呼共載

題饒齋嚴太史秋山策蹇圖卽送南歸

山容瘦削瞿雲麗一枝泉濁雙澗濱疏花小草澹可憐宛然身

入行旅圖江臯艇子飛若鳬舍舟循陸奚爲乎壺公巖壑仙所
都南豐一瓣分境隅十峰百谷相抱扶君家近此安窯樞幾年
作宦林園蕪忽興歸思馳朝晡請急勿復停須臾作誓墓文依
古模隨侍宣局隨清娛維時天秋露塗蹇驥與偷青玉駕尋
山如覓故酒徒猿鳥宿識遙相呼足掎手拂皆松梧雞豚歲晚
勞卒痛泥飲爛醉欹團蒲久住或恐爲飢驅又騎杖游京衡
仕隱無事判區區此心長住境弗殊聊題此篇供說郛行矣月
白方登艤

題邵蔚田侍講收綸圖

綸清釣鮮獲斯語古所傳意苟不在魚奚有于察淵先生步玉
堂宛如棲林泉灑掃有陋室驅駕無華軒心游而筆耕所得惟
簡篇近且侍講幄丹炬明秋蓮倏爾告休去卜築塗松間畫師

貌茲圖妙旨同忘筌一壺直千金似鑒中流船人咸慕曳曠先
生搖手言年衰邁多疾不任趨後先得鮒與得鯉是則有命焉
爲櫓且爲櫟不材期自全我聞前致詞卽此寧非賢涉世貴知
止驥細殊鴻鷺昔鉤本自直今網何妨懸袖手坐澄溪波澹雪
娟娟漁父信可狎月潭亦可沿迢迢望蒼霞渴思誰余謁

同沈樓雲椒晚過法源寺漫成二首兼呈天月長老

曉長老甫

院迎

遠塵曾不涴苦斑秋到毗耶最解顏孤磬自鳴雙樹靜三人同
趁一燈閑花農指芻論分本野衲燒茶說閉關引我江鄉烟水
恩蓼畦紅似占汀灣

一袈裟地穩栖禪也似儒宗老可傳諺語華文驅別派苦瓜寒

竹時東偏時移禪室在方丈之東見林偈已垂書志月

年曾向雲堂支櫺久叩公何日解塵緣

余與沈樓先後
寓茲寺最久

九月廿四日查文儉堂招集寓齋賞菊分體得九言

丈丈昔住城東境僻遠不緣好客何事移西南補籬除架張拓
貯書庫位置署定遽已呼朋簪菊花開遲宛似與人待五枝十
枝叢雜圍幽龕席間裙屐幾盡京國美顧余瑣瑣亦廁末座談
紅燈作暉靜爲花寫影碧螺競吸暗覺香傳醃藏鉤射覆底用
角小令脫帽露頂已自催長酣清闊閣中群物聚所好月泉社
裏故事爭遐探琳腴一片摩拂發光怪時同觀謝疊山
幅添補成溪嵐堂上古畫爲衆名手集成胸中眼中師法盡奇璋毫端舌端
論說爭詰誦漏沈鼓促須待下弦月微空炙盡尙學平帶柑今
年賞菊已過九月九去年咏藤頗憶三月三度膽敲韻老手出
新句簾波蕩綠醉髮吹鬢鬢芳時暖節去若弓釋筈兩見霜清

潦水澄寒潭得閑且效捉卧蠶人格有錢但買出色花盈擔安
能敵人開戶尙處子一任溫風吹老飼葉蠶告公袁峻更具寫
書輝著錄善本倘許來窺參

謝疊山橋亭卜卦硯歌有序

謝文節建陽橋亭卜卦硯析津儉堂查丈弆藏同邑周
上舍焯月東所遺也周珍惜此甚眠食與俱查每過周
輒索玩竟日周曰子愛之耶吾身後贈子矣越數年周
遘疾抱硯以死其子奉遺命攜達粵西以歸查查至今
言之猶泣然也硯長一尺一寸博六寸厚一寸六分背
有程文海銘舉夷齊爲况又有閩趙元題云永樂丙申
洪水去橋亭易爲先生祠元出處無考豈宋之苗裔耶
乾隆三十一年丙戌九月二十四日同秀水錢官詹載

等觀於宣南坊之澹安居

周生月東抱硯死所寶匪硯惟其人其人維何謝文節橋亭抗
跡希逸民聶政全身有母在君平學易甘沈晦天心厭宋龜筮
違猶對凡人說貞悔毋言此硯藏卜肆蠹篋隨行關大計曾草
餘干上饒檄曾書瑕呂飴甥字玉光亭外兵氣微鵝湖山前空
落暉芒鞋何日踏雲谷蟾蜍滴淚相因依首陽高義存禪窟舊
物流傳徧燕越元鼎遷移迨有明幾經名手鑑年月雪樓題此
想低顏我心易轉先生難天水主孫記祠事字字如聞拊石歎
海潮不到錢塘岸洪潦無端觸橋畔百年水局總滄桑又酌寒
泉奉靈觀拓坡吟句工言語秀水萬循初孝廉曾作長歌柘坡其別號也查丈求旃
月東許萬里孤兒撫硯行故人海外教傳與周生周生古性情
延陵贈死今贈生豈惟臣節兼友誼硯於人紀司權衡榕巢翠

墨分餘絢雜記應如碧湖繕春明小築秘藏多先歸書堂置一
硯測量庫厚寫銘辭凭几摩挲重感咨寧知一片溪源髓壓倒
娥江幼婦碑

十月十一日趙甌北前輩招集寓齋次韻二首

隱几虛天羨子綦清言每悔到來遲種松經歲恒招客搏黍迎
年又改時荆楚歲時記是日以臘黍相陶謂之歲首引古未妨爭執說賞奇須示近
編詩名山事業歸吾黨誰道匡居好勿爲

木落霜清度浹旬知君多感對蕭晨疏狂易縱騰湖口刻苦仍
餘肖鶴身往復煮茶論酒會兩三無事愛閑人消寒底用拘常
格乘興相過勿計巡

送鄭誠齋太史南歸

零景集元冬離思興暮節故人夏將歸及此乃言別官書有程

期館職虞失闕已成舟不繫復作驥蒙繼久留知故欣寢耗囊
橐竭豈有二頃田輒慕五湖濶古人守茲身謂巧勿勝拙山寒
花自秀溪冷魚亦活由來太清質不假浣冰雪與君昔投紵淮
水帶林樾吾家晚甘兄素卷映元髮相顧各少年相期追襲舊
君庭樹桃李材士搜楚粵余攜長夔汲歲晚蓬櫪閉年華瑟柱
徧鬢影星光徹王戌識先生于淮今二十五年矣春明近來往肝膽數披閱才
周事顛末言磬心曲折趨陪門生後奚啻邾莒列余兩會試蒙
王公一爲雨齋阿顧一爲露仲公皆出生之門顧爲畧分交筆陳閒鬱碑連篇申去意蘊韭
慚薄設荒亭未掃塵凋樹不障月此情何可道此酒宜深啜眼
中三塔紅小市登齊蕨竹隣竹可問梅里梅爭發故鄉誠苦貧
視此孰優劣抵淮訪二阮白帽重嗚咽先生出吾淮梁園太史
之門太史沒將二載雨嗣君皆守制里中爲言余老蒼歸志久逾切晚甘今宿草忍淚應一醞

得暇書可著編詩稿宣脫如君所藏蓄定自不磨滅終當從之遊經疏與研說鄉居無他箴高卧亟捫舌

十月廿七日同集沈樓寓齋食菊花餅作

官衢滯往來馬殆車蹣蹣時方修溝偶茲赴招攜衣拂塵綻綻褰簾主有欣索坐客不速時令妻弟陳孝廉來遂九人同一席嘗珍俄出新初未審名

目厥形類粉餈所穆乃芳菊其法本榆葉相雜陳杏粥何從得斯製昔未窺譜錄憶昨過秋齋花色繞寒屋開猶判早晚種亦辨吳蜀賞餘落其英寧待風日曝京華冠三輔饗子技精熟尙煩口傳授調飴漱麥麌春綿裹柔薄細雪與澆沃擣宜糅椒馨卷詎籍葱縮黃者壓碎金白者屑群玉縷辨識露瀼臺心去烟簇明燈照盤盂霜影淨可掬老饕恣飽啖信鄙噉食肉圓隨箸轉移熱費手翻覆澹泊舌端知芬鵠鼻觀觸是皆吾臭味奚假

供佩服當筵起三歡于食果何福蘭煎桂自焚此亦有同局寄人短籬下何似在空谷客瞋毋迂談花定哂卑俗凡物貴人用乃弗慚碌碌陳根得異品况果吾輩腹公羊義可研孺子跡難續倚狂盍詼諧起舞遂更僕旋開大益益拇陳爭角逐窮臘轉眼近高興擺拘束細細嚼冰梅聊輒楚騷讀

好事近爲人題漁航小影

家住小蜻蛉漁婦漁童清絕閑趁翠波來往醉柳陰殘月

一枝湘笛寫孤清梅影澹於雪枕上道書讀倦聽乳鶯調舌

十一月四日同君弼司直漁邨前輩章蔡兩文學集筭河

太史椒花書屋分體得五言

良會匪豫測偶訪高齋過籤譚巒古馨隱几方微哦殘菊澹屏影書味潛相和適會馮君來執手一笑呵主人戒勿去開囊傾

紅螺更招二三賢皆所恒蒐羅

魚邨前輩及章蔡兩君皆笥河及門

先輩述先世

鍾山廟巍巍章生有書癖故紙環行窩蔡子實英英劖鋒截螭
體飲作虹吸井談如水增波千古重交遊問學匡其頤招弓有
嚴畏鋤金滋譏訶所取乃至約于得良已多覩茲歲光闌顛風
撼危柯崢嶸冰雪腸懔懔相磨礲後此四三年離合知如何行
藏倘異致趨向毋誤訛有客製小序莊論除媯嫋謂均寒燈照
破壁駛筆疑騰蛟太史實繼作樹義懸秋河往復勢紓曲峯迴
見坡坨脫韁余發狂髮禿公然婆長謠志茲盛用以當鐫廟

鼠囁詩爲王蓬心前輩作歌

蓬心先生作詩兼作畫詩藏篋笥斥賣得錢貰酒博酣眠厨
籠空空鮮遺粹可憐鼠飢類臣朔曉夜跳踉穴牆角潛身入笥
飽餐詩肚撐腸字班駁先生暇日展篋看碎比蠹蝕尤叢殘

三年爬索得百首寧知供汝一夕餐急思追憶揮長紙十失八九費摩搘爾鼠胡爲不遄死我笑伊無肉食鄙先生之怒良可已梁上欣聞長者論小黠居然能學問安知癖嗜非賞心得一知已可無恨雖云覓食諳調停未嘗緣几窺丹青倚爲活計詩則否顧子厚意殊惺惺巷中風味定酸苦咀之攢眉齒應饑可怪生吞意無忤他日祭詩惟祭鼠先生畫筆探眞詮後此歌吟皆續編謹藏毋令逞故智猶堪與畫同流傳不見易堂學士飫馬豆吳學士鼎炊爨不復爨馬豆以食謂疲驟減料骨逾瘦曹主事家火苦飢謂劍輩前東西隣趁遭鞭笞天遣子窮相暴銜異事流聞誇僅見繁華熟誦帝京篇冷落誰修貧士傳

題王蘭泉前輩蒲褐菴圖

耽耽讀書堂落落逃禪室自裁詩圖繪煩妙筆居然擅三

絕邈爾全太質知君杜德機隨境鮮拘室舊家青浦間白屋映
楓橘研誦誠苦心食苦如食蜜自入承明廬卜宅取幽謐西城
最西處老樹匝蓬草苔墻故衣坼竹砌新梢出風景稱蕭閒急
購勿教失遂橫琴軫徽遂布几髹漆局脚牀連連凹心硯一一
休假坐其中谷神虛不溢蒲圓敵滿月褐暖曇初日譬如重甕
覆三覺味諳恐見林間錄以此喻家園主客奚待詰矧且異頑空游
藝工撰述文章儼元八聲韻越秦七徵吟笏挂頰冥想手扶膝
淘潛在靈源眇弗攀恒律卽看墨痕濃翠葉掩丹帙客來敝荆
扉酒至嘗裴秫歲事倏晏闌披卷觸興逸便思入畫中著我拄
卽栗看雪坐南窗欵語對捫蝨

題趙甌北前輩甌北雲松小影

晴沙抱洲尾繡葉明籬角野色稱邨居稻熟東初剥天然入圖

畫澹弗假雕琢掃石坐中間擁書同抱璞且飲且晏眠亦撰亦
潛學清虛日日來體瘦神獄獄溪南闢引隊寵北花圍幄停雲
甫飄蕩倏爾去綿邈榮霜青可割松露翠凝澑何從得斯境或
恐費商榷人間世流闊有觸斯大覺歸田蓄茲志丹繪偶從胡
豈遂能荷鋤獨醒掃群濁聊從粉本看所願誠卓犖如聞鼙鼓
吹儼奏鳥音樂白蓬船可泛紫玉笛堪歌恒持無住心隨地有
含握還君圖起嘆余亦思種藥

送趙廩北前輩之任鎮安

消寒會未展初九君去粵西爲郡守煮茶燒筍話匆匆聚散難
知姑飲酒鎮安近事吾差記曾蒞茲邦咸我友稱詩絕代寶意
翁日坐烟林對晴臯儉堂查丈適隣郡儉堂三丈曾知太平府徐子瞻哉
相左右贊哉前輩昔爲太平同知傳鼓人求大字書摩崖碑享千金尋詩筒

郵遞今聞寂又得名流繼斯後念君登籍未三十東觀西清佩玖揮筆能令豐鹹葉選辭酷愛除案白邇來閱世薄浮榮第欲編摩垂不朽自鈔詩集綴雜文精進心猶窺秘酉天公妬閉嗔愛好特遣紅金印懸肘不然要令狀山川觸眼奇觀煩妙手扶蘇山接古梅山地軸天關相錯偶鳥飛不到下雷州瀉玉鵝泉挂魚罝萬家老屋縛藤竹四節繁華繞窟牖舉似邕州暨龍江土風一色無妍醜翠裙花賤聚猺獞筠洞蘿溪交窟藪董之以正煦用恩苗亦嫉嫉喻仁厚黃茅青草瘴霧深將息宜專慎毋苟南連交趾控滇蠻修爾戎兵嚴扞掘三年例得遷大郡且勿懷歸問田畝此行密雪灑貂裘卷地北風隨馬首繪圖休繪贈行圖使我低徊沈歎久識君面目十七年君謂片長宜可取零露飄霜數往來草堂蘭杜開尊自拂墻碎墨經我題沿砌小

松非子有先生於离齋種松十數本今宅歸家辛田少宰懸知默歲抵江鄉堂上起居詢阿母南民拍手笑相迎太守由來一詩叟政閑覽景定懷人京國朋儕餘某某梅花驛使附數行故人眠食平安否書來萬里余最珍記取臨歧歌折柳

長至後六日雪霽簾石宮詹招同儉堂太守心齋侍御辛楣學士秋帆侍讀竹虛太史集寓齋分得六字

癡雲散若烟齧色宛可掬歲晚愛招尋况有酒儲斛坳堂不盈丈古意紛簇簇印楷列圓方錢範量朱舞秋寺幢寫榻海燭碑錄遂燕鵠尾鑪小飲近畫簾主豪方吸川客飽但捫腹須臾
公贊卷分體見梅汎化工王與吳元韋梅茲事擅此獨牆畔影斜窗同照燭生平鑒圖拾遺十得五六似此二妙稀毋入巧偷目咀

嘗戀苦茗街鼓俄迫促後約夫何難難得此縹軸

景泰發藍睡壺歌

發藍製本拂菻國字隨音轉恒譌垂景泰仿造特精麗昨偶把
玩從西街圓儀仰俯利開闢黝光自瑩非摩揩洪爐鼓鑄僅七
載漸忘邊警耽活娃有如金花牀上坐雞犀翠羽當前排拂菻國多雞犀孔翠其王坐衛侯設定避餘穢魏皇吐亦生芳亥竊黃小金花牀見舊唐書

拂菻

白加塗飾湧現蒼巖古苔色海南事事尊法輪描畫紅蓮繞香
國從知如意難敲破緣以胎銅堅不悞雲雷四面隱文章珠玉
九天承咳唾寡兄此際閉南城捉髮初無叔武迎鍛梁繡袋讒
方搆牙盒金錢賞未行鎔鐵鍵門同範器石徐唾手圖功易示
喜徒傳進粥復辟錄英宗臨朝謂群臣曰弟昨日食粥無恙

天順元年禮部奏祝天地社稷舊用瓷

憲景泰間易以玉應否裁改詔仍之當時傭匠廁卿貳此技

知經誰放藝錢唐司馬善匡扶寒敝何曾忠武異翠汁簣簪授
秘方詎聞御物同頒賜吳言宰相工細唾謔語閣人示十字多
年陵塚上牛羊流沫無人誦碑記蘇勃泥青巧刮磨區區鑑賞
類宣和宮人豈少靈芸淚但灑秋池化碧波

儉堂查丈貺寶城銀魚詩以報謝

故人昨餉膾殘魚箬裏銀光照素書冰柱作行登七箸雪痕隨
分點芹菹波心料得清堪數酒畔嘗來飽有餘引起江南水邨
興凍雲如墨網痕疏

招均彌筭河小飲

炙硯旋冰爐易燼連朝始是十分寒顛風繞屋作雷吼碎月浸
堦疑雪殘呵手仍煩長袖護褰帷時取故書看韭芽細煮松醪
熟可少同心話歲闌

寄答錢樹參同年用昌黎贈崔立之評事韻

余也塵根鈍不敏矧逢衰暮才都盡有如狹巷驅短轍敢接通衢長轂軫故人昨寄一緘詩俊氣凌秋霜色緊陸離耀眼不可辨碧海掀波掉蛟蜃紫頭雒誦翻覆觀欲和先慚喉轉蚓徐徐刮席自姗笑難免當場博群哂清裁躍躍衛洗馬子昔聲華動卿尹倚聲讀晝見風流骨幹蒼雁異酸窮棘圍小試豈繁難強弩偏教遇堅盾浮名所繫知幾何剩欲抽刀斷韁絰子珠內索神久涵我玉中藏足非膾獨憐倉卒理歸裝袖拂落花情憫憫蓉湖潘葑夏木清棹入蓮塘風自引訪僧蕭寺拓碑看細榜茅柴燒荻笱夜闌斗室禮楞伽參厭初門契元牝江南好夢到京華顧我猶堪當瓠籜我從小蹇悟真機百態交乘且安忍讀書有暇託琴酒撫已無庸覩槿菌春秋似子值鼎盛青幕雲開戾

飛隼來詩自貶翻見許大巧何因羨茫蠹春明門裏歲云徂祀
寔迎年祭先賢相望相憶路三千卽訂前期慮難準唯應涉足
慎修塗忽似標枝逐風墮入世終持出世心境田勿慕腴田畛
開來著作要等身此外紛紛任夷泯

鄉同年豫章書來言杭遊之樂并寄所書天后廟碑泊芽

茶疊前韻奉謝

吾友豫章書妙敏淪茗談詩意無盡雙魚昨寄附雙珍爰自吳
航達燕軫茶經雨采焙甘香字搗油砸露圓紫錢唐江上水妃
廟靈怪傳聞役龍蜃令弟守邦和子倅嗜古真如魚食虯祠堂
豈少舊刊碑文字闕冗吁可哂阿兄作文師北宋筆力時時追
柳尹此碑揚頌得大體彈壓波濤洗塵寰一戈一磔生古姿武
庫森森羅戟盾書中侈說西子湖間我何時謝羈絏我雖通籍

謁承明智第
我忘免服此身猶未著湖山不獨君憐行自閑
所貽鳳團新
冰煮牒言已經奉不引寓齋也復肖園林吟對苦
花摩石筍品流夕
過下止評位置矣勞左右化非關吾子老
巖窮岫才能生楷箇亡杭雜錄置巾箱我同西笑情難忍恨不
相從十日游僧房晚飯炊槐菌語君人生不滿百歲月奔馳雲
掠隼雕鏤文字耗心力慧巧何曾勝頑蠢刻舟刻楮等無成曷
若尊生師祝賢無田亦歸恒自矢左券年來業操準終當訪子
惠山西相葉迎霜紅未隕卽今地遠寄相思神契寧論隔疆畛
并煩裁句報春明余亦因之幸不泯

歲暮雜詩十六首

載耳爐中慢火添
柳花磁碗碧膠黏偏於窘境求安適寒厚森
森又解嚴

一丸冷月轉牆東，照見林亭面面空。
貪看古光簾外立，袖遮雙耳畏尖風。

亭子不教窗戶遮，晚來枯坐數棲鴉。
冬林葉謝潛含蕊，知是三春稱意花。

一色凍雲凝釀雪，滿攢新賞濁醪傾。
天公似惜酒錢費，瘦竹漏光開薄晴。

夜寒群動寂無聲，獨擁黃綾睡未成。
霜氣撲簷冰作柱，墮敲砌響鏗鏗。

青銅二百錠，三顆味較山中總不如。
小市南頭占歲盡，厚唇豐頰鬻鱈魚。

祇取妍華不取香，家家梅杏窖花房。
未如倩取寫生手，澹墨痕淹短牆。

經年檢點讀書暇難與忙時強半分可惜者雙箋述手模糊酬應託詩文

酒人長夜說風詩門戶堅牢競把持聊舉片言供一嘵春蘭秋菊豈同時

金榼擎來鹿尾羹豪家餓歲侈煎烹野人異日無他願爛煮豚

蹄饗弟兄

三月不蒙阿弟書也知進退苦踟躕宵來忽夢牽衣泣祇說相恩不道餘

瀘亭病起書來報漸契禪燈屏藥方想傍密梅花底坐澆書細爇水盤香

隋園老梅百十本恨不凭欄接袂看刪却少年花柳與要同瘦影角清寒

七十老翁何所事
鑑堂此日寄袁江
定裁歲晚懷人句
油炷昏昏雪打窗

乾風連連晴雪少
隴上麥苗穿土稀
殘臘猶餘十五日
箋天早乞玉花飛

大書福字少泥金

明代歲暮書宜春帖子皆中書以大筆蘸泥金納之於袖見內閣小志

消受西

清冷况侵且免攜衾充夜直擁裘閑作打垂吟

送沈樓省觀南歸

適聞情急呀然驚訊答徐徐慨慕生夢裏庭闈遠念歲闌風
雪且單行久諳作宦輕來去自說承歡鮮弟兄手把雙卮覩色
喜古梅環映月波清

聚散茫茫豈易知暖寒杯換贈行危東華門畔霜侵袂西湖
邊柳掃眉洗竹山窗成句後探花僧院憶君時經年小別無窮

感莫道重來慮緩期

勉行堂詩集卷十九

古歎 程晉芳 免

曰艾集

起丁亥二月
盡十月

次韻望山師約春園偶成

西園煙景澹堪親點綴工夫絕等倫石漸坡陀成峭削樹從蒼老發鮮新詩書盡檢能怡性風月閑談妙寫真想展雲箋布苔席祇容池鶴伴吟身

夜錄長籤待漏稀仰看天闕散星璣三千牘未酬今債五十年
將悟昨非別墅頻遊雙眼豁好山難買寸心違江南籬舍梅花白誰討春光戒野駢

與褚丈鶴侶同直疊前韵二首奉贈

夜談絕勝一編親樹義森嚴語有倫秋士關心憐境寂春花到

眼闊時新公羊喻餅殊堪味斤鷄捨榆自葆真各有葺荷湖蕙
念補籬何日寄閑身

相次行年鬢髮稀自知燕石抵瓊璣語除滅否工諧謳德喻支
離罕是非小喜詎能妨大隱時將推主事無營未用嘆多違看公歎
段行遊樂肯羨班輪服兩駢

題陸丈葵需吳淞歸棹圖

宵夢不脩仄浩蕩觀湖江披襟曉兀坐吹塵風滿窗讀畫足慰
意矧乃圖歸艘膠塘一片石千山丈許幢草堂所固有老樹吟
孤腔離心撫鄉景急駛同奔淙昨遊春明春人物觀宗邦子賢
奉鍾粟孫戲園珠釭書味展箱篋酒滴開筌鑿與闢整裝橐文
度心驚懷相招有林麓拓翠排陸帆斜檣影直岸矗濤頭撞
定志在烟水獨樂不可雙賤子慕薄艤逐逐念未降息機待隨

踵古柳維船樁

輓家南陂兄

衰門無吉事摧折到斯人上壽纔稱祝浮踪已脫塵昨傳雙眼暗詢我近年貧此意良深厚高墳綠草春

科名登綺歲郎署耿星光武畧森雄戟洪波捍漫塘淵源有游謝吟咏洎裴王式靡扶顛力松身百丈強

晚年耽靜攝却掃卧江干識定知書隙才高審事難極立詩選輯寡和曲鳴彈此日孤寒士舉帷涕泗瀾

昔訪白沙居呼孫出拜余結縗今有室凭几舊傳書白業千秋盛華胥一枕虛他時述頤末銘誌敢辭諸

拂珊瑚副憲招飲時晴軒看藤花漫成一首

旦晚花期訊給孤給孤寺街東呂宅藤花最有名今年開特遲那知照眼此紛敷席

間好影垂枝蔓意外新吟入畫圖

時讀通畫扇二絕句乘座獎服

管領風光推白傅料量酒醴到麻姑

月飲推酒瓶佳夜闌更遣燈環映吹面繁香襲

禊禊

山桃始開用東坡坐上賦戴花韵

小桃也作玉珊珊纔及春中破粉妍強項頗容松作伴

相近有小松一

本出頭未讓杏爭先支窗亭午教傳望交岸烘晴記放船續續

開猶禁十日不孤寒食雨餘天

丁香花

丁香瑣碎不足名繁艷差宜慰枯槁兩株環列庭左右高及層
簷如樹葆日繞花間怪放遲及至爭開虞謝早玲瓏墜玉薄朝
華細結清愁難淨掃地寒候淺蜂蝶稀一二過墻徐探討晚來
粉色防月奪拂處風枝任尊倒三杯酒力苦不勝獨賞情懷終

草草北方此種稍易植翦薙功深開愈好花將謝時須盡翦
花頭次年乃盛故居紫藤應吐莢此是新知露頭腦無何又趁海棠顛自哂狂夫

狂漸老

三月十九日同簷石宮詹儉堂太守秋帆侍講仲思編修紹蘭司直杉亭厚石耳山三舍人調夫孝廉法源寺看海棠過耳山寄盧留飲作

香山飲酒九百首東野踏春一百回當時得景貴陶寫有花詎可虛樽罍法源海棠吾舊雨慣攜密侶尋芳荄適來探花花逆蕊坐久日炙爭妍開亭亭冉冉光灼灼力軟正藉微風擾牆陰一本罕跗萼披紛翠葉清無埃鐘魚唱梵拜衲子轉頭誰復憐斯材矧持戒律拒羣飲苦茗造次傳藤盃天紅相對鎖索寢吾友拍臂呼去來寓廬距寺十弓地捐簷絕少大樹栽彼間花態

此良醞眼中宛爾蒸霞堆離之雙美固弗失是一是二煩參猜
惜哉箇河吟屐阻時箇河編修以事未至不然鯨吸推渠魁勝遊火速圖

再舉莫待粉片榮蒼苔

笠屐硯歌

自冬徂春覩兩硯疊山謝暨文山文玉帶生疑是贋製銘語缺
漏異昔聞真者微聞進

大內掞天藻捧玉葉雲于古讀著貴辨僞以舊例硯吾亦云最
後復觀笠屐硯熊熊光氣陵蒼雲羨齋放誕肖顛米尚友乃慕
東坡君方碑硯子泐其背長鬚戴笠穿屐裙卽絹本小弗類
面腴手曳持青質當時取意不取貌矣必畫一爲區分正如小
冠着半臂東坡自海外歸毘陵病暑著小冠雖無笠屐亦出羣
披半臂坐船上見同鄉清波雜志

許誇秋蕡廣陳鎮上西日曛濡髮撫筆乘微醺端淳四絕畫居
一賴爾供事隨昏昕紫芝俞生趙同里鏘名想見交沐熏霑澤
三橋又藏弄大都流轉南江濱篴林給諫脩收得硯匣小字揮
韻筋撫茲片石寄感慨翻緣寶愛生憂僅于粵之東達京國傳
示不異尊索墳山桃花開風息氛晴窗篆香心字焚試墨細賦
揚芳芬下嵒螭派雀眼紋冷浸水骨從溪泓長尺廣半厚溢寸
微凹厥背施重茅家貲吉金鮮一斤把玩自西徒殷勤還之姑
艷束紫纏畧觀也解百念紛寓意不帶中欣欣誰能購之日耕
耘與余東井同策勲予所藏坡公東井硯_{項子京家故物也}搆將北宋誇南宋
几橫陳足張軍

法源寺看牡丹晚飲蘭泉前輩寓齋

唐寺依然種牡丹數枝娟態倚叢蘭僧棲別院愛閑好花在寺

天月長老人賞餘春欲去難招飲絕憐書閣近論文同翦蠟燈
退院居此看時讀河南頰風門外顛逾甚連日大風咀味茶甘達夜闌
張孝廉文

四月六日呂氏宅看藤花同得六字

看花貴得朋嫌擾亦嫌獨偶茲三五俱不忝酒人目發興在景
先終藉景陶淑街南呂氏宅藤本環竹屋小別遂三年歲籥馳
急轂欵門踏莎徑氣味先馥郁老根蟠厚地作數十廻復绚極
造平淡幹鮮紫苞簇旁枝無屈勢直上爲直木花色稍張王傾
吐弗含蓄遂令素襟裳粲若在霞谷晚風吹歸車壺檻近書簏
說詩月斜斜語怪燈倏倏頗聞昨年春花事尤可錄主人矜盛
槩延客獵絲竹竭來翁老病花亦類墮蹙孤孫抱書卷靜向花
底讀人情今慕昔物理盈兆縮吾儕願匪奢少得也爲福惟煩

學士筆繪寫屏六六

筆石官詹振
作藤花圖

和望山相國德壽寺看牡丹元韻四首

旃檀林種鼠姑饒上客開軒倚翠繁

用唐李建賢賞

牡丹繁
事
熒熒丰態似歌姚酒懷觸祇綠心醉詩思來非藉手招才
氣如公果無敵玉珠稠疊滿吟泓

花光四照渾無定靜對惟應佛力勝富貴儘教呈好相清涼聊
與說真乘須知繞砌尋芳客曾是敲鐘拂地僧老去未容高興
減洛陽聲價昂猶能

爭傳上相賞花游花亦如人放出頭雅有篇章寓懷抱每從端
重見風流烘增日正松交影弄袖風微麥櫟秋隨地覓綠歡喜
現古賢何事輒工愁

廣平鐵石具心腸未礙行吟縱酒狂夏課清嚴陪列邸春游迢
遞及諸方銜盃細雨侵莎逕下筆澄波燒石房也自看花証圖

畫可能殊地不殊香

近與錢蕡石宮詹草法鑑寺賞牡丹宮詹繪圖徵詩

得雨後邀篤石宮詹榕巢太守叔蘭司直筭河仲恩兩太

史看芍藥同用雨字

客來掀眉手拍拊今者快晴昨喜雨天心默契

宸衷慈倒瀉洪波潤乾土

時聞黑龍潭
薄雨立應

豈惟麥秀田父欣得氣

花房艷爭吐吾儕官冷罕知識休假惟應覓歡聚矮尾街頭聽

賣聲急趨古肆搜瓶瓶董肆中匪曰廸畦接檻多數十高叢

粲可數白花開遲品斯貴已見舒苞垂萼乳折枝疎密任天然

不用揚州鐵絲綫

揚人捕芍藥以鐵絲轉之酒醴芬馨乞自鄰

榕巢丈饋瓊酒卽以侑坐

省闖故實推余王腰間帶重久相忘眼底玉清差足取無花樽

底故不空更直花時非小補點燈促坐勿言歸看月團團照廊

廡

五月九日作

花盡酒人稀
林亭暗綠霏
蝶翻成夢少
燕笑引雛歸
小枕牀堪倚
閑吟樹可依
漸能除外事
獨坐學忘機

猶酒歌

今夕慚暴殄
猶酒傾長瓶
致此自萬里
藏弄逾十齡
巖巒迴令溪瀨
激陸煩車轍
水船乃供吾輩
暫酌酌何福
享此甘而馨
花苗銅釵扣
銅鼓榔杯羅列
兼擅腥蹄堂
舞枕祀木客
觸牋環拜揚
旂旛覩神來
斯飲斯酒徐
乃飲福連朝
暝歲時歡喜
相餽豈有祇
肅如尊經丈
人昔作南荒守
蠻族欣欣迎
馬首緇巾裏
髮戴盆蔬云是
峒溪自製酒
却之則猜疑
受之均悅服
一甕還如一大
錢馭夷有道非
云讚乃賚金連
鑑乃錫角純束
大不驚喧兒不哭
爭勸使君試醞
醞三年治成雙
鬢禿博得牀頭酒

盈斛載向春明充我腹我腹摩挲負茲徒揮惡札吟小詩第
從口吻別風味似異黃藤翠藤製沾唇肥膩沁齒酸將無採鍊
百花調露氣丈人搖手曰非然是乃石湖桂海志所編厥名老
酒麥麴煎搜用綠澗紅沙泉竇之有法造有日雖曰異品無異
術以彼膠弓淬弩劣心性含醇也解和天質惜哉難繼不敢請
埋頭待學虹吸井潛安居藏良醞知最多倘論品第樞巢所貯
應甲科詰朝淮釀招余賞怕引鄉愁喚奈何時丈人儲推陰賦
黃酒復期秋期

送儲梅夫宗丞南歸

歸期訂秋中奚乃及夏盛火雲鬱輪困涼露未娟覩從知展墓
心猝起未容平趨

朝旦卅年恭謹閱晨暝鬢影卽星星官高亦云稱帝煌五車旁
數點天潢瑩木深茂枝葉敷肅臺情性晵含卷軸光斯與疆宿

吐左乎膺選避位次大宗正匪文匪言賦古篆冰華凝今茲譜
瑤籍珠貫玉連亘未屬逮小侯清詩美公姓方從編纂繁遯以
假歸請問公果何心曰老且孱病舊家陽羨間田宅眇何曠來
茲用文售歸去以負勝國山一宵雨山子鳴若磬穿花挂筇杖
裹飯拂荷旛烏帽坐蜻蛉招招指暨棟銜樽交契淮浦共燈
檠公已遂初衣余猶驅鶩乘蠡塘鶴髮翁方應嶽井聃歲闌舉
微炙談笑咱主孟看社趁春忙居塾起鄉敬多年烟水夢見猶
私心競爲言極相思公可代余證何時西氿西維艇索孤咏

題倪閣學迂江藏尊人穉疇給諫所畫七芳圖

曰蓮曰水仙梅竹山蘭澗松籬下菊名父繪事乞佳兒敬以七
芳名卷軸卅年妙手競題識我初未覩耳先熟畫之先後各有
序志喜徐徐用箴勗黃門風節爲世重嘉樹無忘香草自當時

本不以畫名卽以畫論高絕俗楊枝翹榦霜露晨改時易地完其真種雖區別品則一此外卑之無足論水墨氣與詩書親想見下筆凝淵神美哉繼美揚芳塵月卿遁曰爲清臣

題貞烈王二姑傳後

平陵之隈爰有貞石不辭不告露洗寒碧解其石伊何烈女是褒生魄死骨寄雲爭高解婢媛十三許吳氏子旣許之生亦許之死解天憤弗弔曾不二年幣馬未追厥以凶聞解謂言秘斯口或漏卮祈往弗聽乃黠而癡解餌金餌鉛婢子毋警汝或漏言汝爲蠶妾解謂言旁訊卒獲死所成我堅金寶哉尺組解生不識夫九原孔覲匪情之糜意氣之激解投金古瀨死殉路人越二千載邁其芳英叶叔會稽守搏膺歎太史作傳謂始解

前輩著生以述二姑十解

送李蘭臺南歸

主客何因共黯然

時讀潤齋世兄贈別詩兼讀望山師相惜別賦至

輕裘將母去江天

傳來急語歸難緩讓就新秋別最先歎曲挑燈成舊事平安問竹又今年異時槐目黃子錦穩着官衙白玉鞭

喜霽

漸收雌蛻卷雄風仰視圓穹表若空分得新涼在高竹滴殘餘點引疏桐晚來難免盃持手醉後聊看月挂弓書帙暫拋增睡思陶陶化蝶任西東

送阮紫坪之任德清二首

多年規左發膏肓青褐徐更墨綬光地隸吳興稱緊望山分越絕展陂塘蕭閒境擬陶彭澤純粹襟如顧建康聞道士風工織組願教大布滿流黃

形役吾生未有涯
寧煩望雒想京華
蟲棲晚景抱霜葉
魚樂春波玩水花
溪上探奇處
左顧樓頭寄遠雁
西斜阿兄沂泗應
攜手細雨推篷話別家

贈庭前榆樹二首

種來應百載
根似石難移
空腹人堪隱
羸形鳥不窮
春纔添幾葉
月爲寫餘姿
連夕風顛甚
先披最老枝

摧折仍盤踞
渾如崛
強人所輕在皮骨
難朽是精神
小樹行爭長
繁霜又點身
禪僧示禪病
坐闌去來塵

雨後漫成二首

雞鳴風雨逼
深更燈燄搖
枕簟清久罷
逢迎懷故友
成何事業愧
浮生裹糧五
岳非無計
舐筆三經漸
有營枯菀不
煩遙測揣嘗
來世味一漚輕

雪莖雙鬢久相侵竹馬騎時豈料今製服不供當世好讀書難
契古人心雲辭岫有歸山意蟲感秋爲刻骨吟落落此懷誰共
語茗爐殘汗且孤斟

七夕日舉真率會分得時字

立秋前七日遂已屆星期風急作涼早蟬稀占閨遲絲樽謀古
權樹形綠歲蹉跎抱拙不願巧相對煩襟披深慚涓滴飲嚴若戒
律持時余以病止酒客未醉先醉仲思太史後舉蓋仍觴之延陵適饌
直書亂不可治杉亭前輩署典籍方理故書將直宿六十日迢迢一城限漏箭鳴花
枝復諗戒驂者將指汎水涸缺一慮不可加少夫何爲時仲思將往大梁悠悠我之懷百結爲棼絲庶幾咏唐風行樂毋愆期

題紀曉嵐侍讀雙樹軒

眈眈雙樹軒昔賢所營治歲久剥鑿守故名弗移楮穀詎有

別聊當辨雄雌荆凡孰存云得一二可知嘉樹亦擇人將子來
庭繙楹潤稱書富境閒搜句奇軟紅日袞袞兀坐心弗馳浮生
擬刻楮似子真餐芝昨者過門傍大木爲風寥停車急問訊軒
樹是耶非答云幸無恙顏解心融怡從知神物護當亦如子詩
秋風漸有信點滴聞漂枝疏蟬庇餘響涼蟲絡其絲何可不圖
飲賞此招毋遲

次韻和吳興徐孝廉秋海棠二首

卑叢繞砌學啼妝滯雨戎戎幸未傷夢去韶春濃似酒照來初
月滑於霜幽居好慰清明眼淺態能迴木石腸品第未須誇綠
裏掃眉都向合歡堂

絕艷前因改靜娟碎苦拳石共翛然知書婉約宜呼婢舉袂輕
盈儼欲仙已闌三秋能獨守豈緣多麗荷深憐冰華未結霜華

皎緩緩當窗試晚妍

閏七夕游法源寺作

節好不關僧與新偶尋寺蕭蕭葉攬衣客子慙寒意鐘魚叩晚時疎響薄雲氣豈須瓜果設與證虛無義人間溯天上佳話喜複次佛固泯悲忻仙寧好離異景澄露初白白豆花妍媚積雨三日晴胸懷與俱霽瓦盆菊蘿繁潛蓄探訪計後此益清涼知弗阻遊騎獨往仍獨歸杉陰月痕細

聲聲慢

閏七夕和嵇
巢太守韻

瓜筵縷縷榆館沈沈乞來巧倍他宵別未經時關情夢可迢迢辛苦奔龍重馭料靈禽頂禿應饒愁暫寫把絞紗紅聚添灑銀橋鏗廿載星期兩閏早秋霜點鬢綺勾慵敲成
閏七夕今
十九年矣
屋角餘花依然翠滴涼梢晚晴幾多烟景念誰

家團扇先拋泛翠醑儘更蘭河轉飲與難銷

閏七月廿七日邀同壺樽官詹紹蘭司直秋帆庶子竹君

仲思白華編修墨山同年社糕小集得程字

吾儕夙好事謀飲必有名社集尊古風儉樂非奢營閒亭掃風葉秋日如水清昨雨朝戒寒蟹螯知可擎銜觴罷讀騷狂論抒野情瑣細羅雜花意到景自呈所愧藜藿盤淡泊殊候鮆餌餌設數品春襦調飴餚不異市闌味頗效田父儉歲華又遷移芳閨無留行梁燕勤往還辛苦矣所成暎茲慕游賞排日毋紓程

新霽出郭

經時霖潦阻適霽變郊行馬蹠尋乾地蟬衰咽緩聲雲依孤寺歛水入斷墟明野老閒相語疏懷罕世情

八月七日同紹蘭司直筭河太史秋帆庶子墨山同年予

嘉文量兩秀才游西便門外馬氏園亭分得野字

秋中無桂探鬱懷何用寫頗聞城西邪幽靚利持鉅五里訪閑
園十日過秋社結茅殊草草妙以水環夏菰實列縱橫花枝罕
姚冶俊氣兩儒生刺船如刺馬沿流入深處圓瀨夾泉渴風聲
蕩葦間烟色明柳下悄然江湖心鄉景暗榮惹多時京國塵此
亦賴湔灑驅車篠徑穿乞茗松門打歸途渴甚道旁圓通巷渝茗小坐道人鬚
髮蒼枯坐肖蟬啞將無晦色相未可嘉遁捨如何樂遊人三兩
憂羣雅孤笑夕陽橫疏禽散遙野

挽商寶意太守四首

爭忍忘情罷寫哀手書昨尚自滇來千尋爲校麻沙本九地驚
埋跌宕才擘荔甫誇侵齒美滇省獨元江產荔支君有詩咏之刈蘭堪喻切身
災鏡湖丹旆歸何日歷盡頑山惡水隈

鶴鷺軍陳走魚書郡將趣輶縛倚襦

太守謂之郡將見班史

懶性豈堪馳

馬上炎威未可避山隅

元江夏熱尤甚官吏無入山逃署

犒師幾訝氣侵

壘惜別原臺雪點顱終竟名禪有深契

蓮花潭裏去仙都

滇南諸瘴

一帶有蘭花蓮花桂花益感蓮應時而至君卒以六月花潭也

暇時泊我恒相許可與論詩剩幾人隻字推敲紅燭暗經旬談
讌翠醪春偶逢徵債仍調曲不諱持籌自脫塵多少風光三楚
地從茲一一証萍因

徧向蠻荒擁旆旌

君歷任湖北之施南廣西之太平嶺安慶遠皆苗疆也

那知完刦有昆

明經營陸氏莊何在

編次香山集辛成乞郡爲嫌無米貸

君自翰林

編修特乞外任歸覲應祝有苗平長歌難寄泉臺曉愁對君家似舅甥

謂令甥鑑南農部

中秋日寄舍弟述光

薄宦來京師月夕遞過五朔余始生年四十九秋數余生于戊戌十月今年五十初度是歷甲十九中秋也枯菀非一情雙鬢雪絲組迢迢感離別促促困羈旅安心禦衆艱留身期晚聚晚霜趁

朝班歸騎日未午飯罷睡懵騰風吼類虓虎昨來氣清明何忽徵拗怒卽境難預量有若晴變雨家書取裁答苦語勤覲縵兄弟益加貧回首胥撞杵相慰冀加餐相勉在循矩阿弟有行卷體製雜今古讀之清以悽音調近徵羽感我腸鬱紓兀坐神色沮要其微至處秀萼生澄浦自然觸妙香欲攬無處所匪余阿所私公道不避舉晚來圓鏡懸亭樹息掀舞銀光照四海豈獨爲林圃驅愁進一觴于我有深補賞詩遠答詩封札聊寄與

長亭怨慢送吳杉亭前輩南歸

看燕樹盡含霜氣斜日離筵送將歸去暢好江南此間無

計挽君住二年紅藥闌低護銜樽共賦似舊銀缸怎今夕
難如前度堪如邢江應小憩松影蜀岡閑步鉤簾待雪
想吟到梅花深處歎孤身已是沾泥轉羨煞舞風輕架檣
殘醉疏更牽起鄉愁無數

送辛楣學士南歸

學士吾南鄰夾巷槐陰共該洽夙所師匪特前輩重溝塍阻車
騎徒步桓過從溫溫古風味叩輒剖疑壅北衢得笥河計貫相
伯仲燒燈說今古口辯驥脫韁繫余廁兩大局縮若寒凍雨風
銷歲月虛已受磨礱云何作歸計潞水霜帆送

帝方譽伯施人競誇獨頌君之在翰林夏屋表隆棟去亦終復
來此別憐空憊藥爐養春疾弦語傷秋夢撫已念庭闈焉能戀
常俸長編蒙古史同異經折衷當年纂述儒屈指首王宋倉卒

罕稽覈脫漏失彌縫著書貴得閒據實非鑿空江南多秘籍搜輯充撰綜此行有攸繫此學如均種十年冀成廣博闡襟封流傳資眼福飲飲快甘漚又聞擬浙游龍井看茶貢瓜皮船涉湖石像碑尋洞乃知暫收身端爲閒適用馳思冰雪間何地著塵闕顧茲勤鷁情惻愴心旆動三人影缺一高興減吟艷采藥探花行倦聽沙禽呼迢遙白鶴江江淺宜汲甃霞丹雜鴉柏烟白沈魚纓到日衣班班懽言陳旨供爾音毋哭澗余懷深悵恫冥冥望雲間滅遲嘆立鳳

哭張少華

眼中淪落見膺榮五載流光躉塵英小售豈能酬遠志放言每怪迂恒情無端淺病投諸藥徹底奇貧過半生苦器脫來樗散甚九原休振不平鳴

驚才絕代舊知名海雨江風助性靈點拍柔烟拂蘭榭校書寒
日下蔽屣災生白酒嘗牛肉夢斷青蘆接雁翎深羨孤身存一
絰扶棺有女十三齡

九月廿六日過姚念慈寓廬

狹巷駛單車言尋隱客廬得朋方命酒時與揚對官乞對飲縱論間縉書
弱子看遊戲閒增倦掃除感秋示新句菊影淡相於

題入蜀圖送榕巢太守之任寧遠

筆意貌山山峭拔丹翠離披濕雲凝裏烟一綫棲千盤上有懸
崖通箭筈蜀道非難亦非易壯志寧教畏途奔白團扇子繪騎
驅如何五馬中林秣使君人建鎮邊勲于粵之西歌召芟苗民
稽首拜碑碣家有備糧人衣褐經時觸瘴疠弗搘吟對泉飛山
態活故人爭訢鬢髮疏

天子親憐齒牙脫邛都所統亦蠻荒赤脰諸猺待鉛括鬪來成
竹無礙節玩到全牛有專割金沙江水自滇來形勢犬牙秦堵
閩邇者緬夷誕方命大師克若焚枯枿到時羽捷定先馳儕以
餘威釋籲撻由來理郡異宰邑敦本奚庸逐頭末女施髻鬟士
笠撮父老所矜孺所怛雍雍儒事亦可治未要鞬刀絳巾抹彼
間詩人例卜築橘柚團團茂松栝成都先問子雲居石室琴臺
以次達紫姑山前禾穰稠琵琶川間魚潑刺簪諸采蘭握手茝
異觀奇聞歸拾掇刊鐫詩句剔苦斑陶淪靈源非祭獺顧惟兩
年數過從花底連觴叩銅鉢細雪敲簾語徹漏虛堂讀畫燭銷
跋送行肯效兒女悲終竟離懷鬱難豁誰能跳身入圖畫獨往
懷伊駛輪輶相思自此喻饑渴絃振繁音難還撥矧我年來厭
塵聒嘗盡蘿酸桂薑辣行且溪山捫蘿葛君亦一貧難自遏仕

非夏涼取蕉越江湖何時共沟沫懷哉短艇秋波濶

五十初度自遣四首

五十異鴛老亦復非壯年功名鮑上竿歲月箭釋弦攬鏡面皴
皺鬢髮半蒼然中夜曾擊撞匪爲境邁邇內省實多疚樹立苦
弗堅古之賢達人豈盡壽命延精神貫千載功業垂簡編詩人
罕頭腦自托無乃偏近雖注麟經事雜功弗專自外慕紛華內
徒矢清寒桑榆庶可收積過希能悛日復慎一日持爾動與言
孟冬下弦後九日陽始萌自十月二十四日至十一月九日屆長至昔余伯祖父
二伯祖笏山公爰以是日生綺歲成進士年止四十齡有詩編江村水
部傳官聲余年已過之頭白徒營營前輩王受銘宦立骨崕嶧
寶意商大守氣腴貌充盈一時兩詩人謬許爲知朋年長實同
物届日偕持觥五年頻歎逝墨妙儲精靈復有褚王黃褚惟信
年伯少

余一日王肅阜前輩少余二日黃留溪前輩與余年月日皆同生時稍後次第居蔽廬三日四中書

年齒咸齊衡天公亦何意振翮俾小鳴吾師少司空

謂武進圃山夫子

初度亦在丁長我四十日休命揚

王庭庫廩各有值奚羨軒綏榮江卿幾宿老貫史淹羣經各各死牖下無一簪朝纓拗分良已過愧赧業未成唯恩理歸棹聽

雨催犁耕

吾少多疾疚撫視勞慈衷年已十八九珍惜如嬰童食則慮飽饑衣爲籌單重前屋達後屋院落咫尺通紅襯裏身面教避寒天風弟妹爭閑笑三日新婦同吾母遵勞疾吾父昏雙瞳膝下卽環繞孝養慚未充白沙一杯土淚清朱草叢年長益多悲五十俄已逢視吾父母年修短適得中後此未可知疇敢貪天功勝昔鞠育恩匪特偏愛鍾謂是善讀書行且冒吾宗寧知不材

身臃腫而愚春散盡千黃金輸却十畝官無見歲聿暮有句吟
非工教謗紙殷勤生我將安庸自恨自擊摘要哽膺

鸕雀抱野性所樂在蘿蒿置之松檜間戢翼中怛初浮生卅年
餘居近淮東郊無山足烟水日日杭輕舠兄弟二三人一室同
爨庖星散從近歲僅眼水一條相思輒來往伸被連疏寮淮人
最誠朴文字爲古交族姪競恬熙酒榦花光高誰令遽別去饑
驅類逋逃春明五載居塵埃盈衣袍年長喻馬齒身賤如牛毛
尚煩故鄉人致祝來嘉慶往報承頌言薄祿慚久養轉眼四五年
抽版偕遊遨稻種爲我播繭絲爲我繅飲社倒臘碧扶我煩
兒曹人生適所願稚穢足自豪鄉情抱耿耿夜永寒蟲號

蓬心前輩畫秋亭放崔園祝余生日走筆報謝

子之知我洵眞知祝我俾我卽閑散一把蓑茅蓋白屋畫裏行

窩宜習嬾露緊風高候直秋遙天翠色新磨滑條翔倏集兩胎
禽步者徐徐飛緩緩放向青雲最上頭歸來似戀幽人坦此松
是我舊園量此竹曾經細題歎雖無故業在江鄉境佳例屬吾
曹管百年閑數剛過半難遣碌碌削圭瓊飽嘗茶蓼鮮甘馨十
度凝寒一曝暝鬚多枉肖麥連破鬢禿真如禾脫稈冷官所蒞
異友識隱計徐商終左袒古人樂志匪鳴高大抵用長工匿短
子之於畫夙通神當代名流見亦罕酒盞圓曉綺席偏茶爐紅
趁花枝煖一貧視我誠有加疊咏酌君已無算邇來遇事觸迕
多適對茲圖意先滿是倪是黃始勿辨邱壑烟霞妙聯斷裝成
小幅倚虛窗勝列疏屏障華館微身何日置亭中看舞苔陰喚
桑伴解絛繹籠豈關人行矣吾方任迂誕流年長子僅二歲似
桷連棖畦接瞳翦鱸入夢賦歸田子且將然吾豈但歲華收拾

料無多瀨靜從知勝湍悍過橋拄杖幸相尋墨花香共臨池盥

勉行堂詩集卷十九終